



*H*AC figura calvariae basis exteriorem faciem, quā palatum respicit, delineauimus. Nos enim hic caluam, seu caluariam, aut capitis ossa non octo illa quae prius in sexto & nono Capitib. ossa capitis uocata sunt, nominabimus: aut cum Aristotele capitis tantum partem capillis tectam: uerum octo illis ossibus maxillā superiorem adijciemus, idq; caluariam seu caput modo dicemus, quod in cimiterijs passim reperitur, & calvariae loco pingitur. Quod autem supra capitis ossa à maxillae superioris ossib. distinxerimus, Galeni nomine & euidentioris doctrinae studio factum fuisse, haecenus abundè licuit colligere.

TERTIA DVODECIMI CAPITIS FIGVRA,  
INTERNAM CALVARIAE BASIM COMMONSTRANS.



QVARTA



*QVARTA* internam calvariae sedem superioris ipsius partis ostendit, quam à tertiae figurae calvaria serrata rescuimus, ut caluariam cerebri harmoniam ostensuri diuidere soleamus. Age igitur characterum indicem aggrediamur, & singulis characteribus eius figurae cui peculiare sunt, numerum subijciamus, prius adhuc admonentes, nō parum foraminibus quibusdam intelligendis eam figuram iuuare, quae octaua sexti Capitis habebatur, interiorem ostendens ossis cuneum referentis, & octauae capitis ossis, quae cerebrum spectat superficiem. Eam enim figuram cum interna tertiae huius Capitis figurae sede, secundum cuneiformis ossis & octauae capitis ossis descriptionem, conferre plurimum conduxerit.

*A* Foramen ad medium supercilij incisum, quo<sup>1</sup> ramus minoris tertij paris neruorum cerebri radices ex oculi sede ad frontis musculolam cutem dispergitur. Hoc in utroque latere non semper perfectū orbiculareq; existit foramen, sed subinde sinus duntaxat semicirculi ritu exculptus apparet. Aliquando in uno quidem latere foramen, in altero autem semicircularis tantū sinus, perinde atque hic in prima figura, cernitur. Foramen hoc frontis ossi proprium est, quod aliquot I prima huius Capitis figura insignitum cernitur. Verum non est, quod aut hic in orationis contextu, aut in margine os aliquod adnotem, quum character foramen indicans, etiam os cui id insculpitur, promptè doceat.

*B* Foramen, quo dictae minoris tertij paris neruorum cerebri radices<sup>2</sup> soboles, ex oculorum sede in genas ad superioris labri & alarū nasi musculos procidit. Praesens foramen in star oblongi meatus in quarto superioris maxillae ossis sculpsit, & in anteriori maxillae sede ubi in prima figura B ponit, foraminis huius ductus penitus in ossē caelatur. Per oculi uerò sedem, tantū tenui ac squamæ similimo ossē tegitur: quam regionem A in oculi sede conspicuo, insigniuimus.

*C* Foramen nunc cōmemorato amplius, quod ex magno interno ue oculi angulo in narium cauitatem rectā deorsum pertinet, secundo superioris maxillae ossi, & quarto pariter cōmune. Istud<sup>3</sup> portiunculae minoris tertij paris neruorum cerebri radices uiam praebet, & nonnihil pituitae ex cerebro ad oculi sedem confluentis, ad nares transmittere creditur. Ceterum praeter id foramen, aliud quoque grandius pituitae ex oculi sede in narium amplitudinem, hincq; magis ad fauces quā narium defluxui, preparatur. Quod quū profundius latet, neq; ullo pacto praepositis iam figuris indicari possit, quartam adito figuram sexto Capiti praepositam, à qua iugale os (quod cauum temporis exactius oculis subijceretur) rescuimus, illi figuræ o ascribentes, ut saltem foraminis huius in cuneiformi ossē incisū sedes indicaretur. Quo autem id magis in caluarijs cōspectum fugit, eo minus quoq; mirandū est, hoc quacūq; etiam dignum sit animaduersione, dissectionis proceres latuisse.

E D 1,2